


BIBLIOTEKA

Zakł. Nar. im. Ossolińskich

XVII

889

Tagoburk;



Jan 21

ORATIO
PANEGYRICA,

Illustrissimo Domino,
D. IANVSSIO DVCI
IN OSTROG, COMITI IN TAR-
now, Castellano Cracouiẽ: Wlo-
dimiriẽ: Cércassiẽ: Białocerkieuiẽ: Canouiẽ:
Bohusław: Pereasław: Capitaneo, &c. &c.
dicta, dicataq;

A
SEBASTIANO SŁSZKOWSKI, *Artium lib:
Magistro, & Phil: Doctore.*

VII. Cal: Octobris. Anno D. M. DC. XII.



15.738

CRACOVIAE. Typis Simonis Kempinij.

IN ARMA
Illustrissimorum Ducum
OSTROGIORVM.



QVid Bellator eques, monstrū prostertere tentans?
 Quid surgensq; , notat, crux, & apertus apex?
 Stella notat claros clarā pietate Dynastas,
 Queis splendet sanctæ Relligionis honos.
 Luna quid? aut rutilo distincta sagitta Pyropo?
 Rectis in cœlum gloria pandit iter.

XVII - 889 - II

Illustrissimo Domino,

D. IANVSSIO DVCI IN
Ostrog, Castellano Cracouieñ:

Capitano Canouieñ. &c. &c. Domino, &
Patrono suo Colendissimo.

S. P. D.

Celebris ac peruetus apud omnes passim gētes mos erat,
Illustris: Princeps, Domine, Patrone Musarum inclyte,
non modò diuis per modum gratitudinis sacrificare, sed viris
etiam principibus, & de Repub: optimè meritis, tam publicè
quàm priuatim accessionem honoris gratulari: imò & donaria
offerre, quæ simulachra essent virtutis, & gloriæ monimēta ad
omnem posteritatem deriuantia: quorum contemplatione illi
quoq; per insignem æmulationē ad easdem heroicas, & excelsas
virtutes accenderentur, & ad immortalis gloriæ splendorem
incitarentur. Hinc antiqui illi viuas effigies exprimere, illu-
stri causa perpetuitatem merentium: quidam autem statuas in
certamine Olympico, vel campo Martio victoribus solebant
erigere. Et quidem quæ diis consecratæ erant, ἑρῶλα: quæ He-
roibus, ῥέσσανα: quæ Regibus, Ἀνδριάνται: quæ sapientibus ἑκκελα:
quæ deniq; benè meritis ciuib; ῥεῖεῖα vocabantur, auctore
Pausania, & Plutarcho. Quo etiam pacto Alexandrum Seue-
rum Imperatorem imaginibus clarorum virorum lararium su-
um ornaſſe testis est Lampridius. Et Marcū quoq; Varronem
non solum nominibus, sed etiam imaginibus septingentorum
illustrium virorum libris suis insertis mirificè delectatū fuisse

Scribit Titus Pomponius Atticus. Quid ego de te dicā, Illustrissime Princeps? Profectò splendor generis Tui, & virtutum tuarum claritas hoc requirere videtur, ut sicut ille Alexander Magnus, non nisi ab Apelle pingi, à Lysippo fingi deberes. Multæ enim sunt, & magnæ actiones Tuae tum publicæ tum priuatæ, quæ in ore sunt omnium: cū & in Chronicis passim dexteritas maiorum tuorum legatur, & magnitudo meritorum commemoretur: neque enim humili, aut obscuro loco celebratissima virtutum Tuarum munera desident, sed quasi è specula quadam excelsa atque illustri relucet, & radiis suis Reip. salutem protendunt: ob quæ non modò à Regibus, & summis quibusque viris, verum etiam ab exteris nationibus, & populis, ac inprimis ab eruditis omnibus mirifice amaris, & obseruariis. Tuum illi augustissimum, & semper illustrissimum nomen suspiciunt, ac veneratur. Et verò cum hoc tempore spectatissimam virginem, adeò omnibus gratiis ornatam, ut non ab hominibus genita, sed à diis ipsis facta esse videatur, matrimonio tibi coniungere voluisti; cum qua deinceps per omne reliquum vite Tuae spacium placide, iucundèque viuas, cuius sanctissimis moribus Te, & tuam constantissimam fidem committas, ex eaque liberos expectes, qui nominis, famæ, dignitatis, gloriæque paternæ sint hæredes, & æmulatores: Quod felix, faustum, fortunatumque sit: Tuam Sapientiam etiam atque etiam admiror, eius autem felicitati admodum gratulor, quæ tibi se coniungit viro, qui virtute, & sapentiâ, non modò eos, qui hoc tempore sunt, sed etiam antiquitatis memoriam omnem superasti. Nam cū scias filios esse familiæ columnen, & immortalitatis documentum, hoc intendis, ut cum eis paren-

parentes renasci videantur, & extet honorificentissima no-
ministui memoria apud omnes, ac rectè factorum claritas
in omne suum duratura prædicetur. Quocirca cum omnes
passim tibi applaudant, omnes in tui actus istius celebritate
summa quæq; in te deferant animorum suorum argumenta, &
fidelitatis ornamenta, egonè adeò deses, & ignavus ero, qui etiã
tanquam anser inter olores nō aliquid gestiente animo perstre-
pam? præsertim cum incredibilem Tuã humanitatem in te per-
spexerim in P O T O K ante aliquot annos erga me declara-
tam, dum Czeszochouiã proficiscens ad Magnificū ac Generosum
Dominum Martinum Silnicki, Dominum, & benefactorem
meum benignè diuertisses, mihiq; te salutāti singularem animi
tui beneuolentiã declarasses. Itaq; quò minus de tua volunta-
te erga bonas literas dubito, eò magis studio quodam incredi-
bili beneuolentiã tuam erga me excitandi ardeo, & in nume-
ro tuorum clientum reponi vehementer exardeo. Accipe igitur,
vir Maxime, ac Illustrissime, & accipe lubens volensq;e
munusculum hoc qualequale literarium, animi mei syncerum
pignus, & virtutis tue nunquã intermorituræ argumentum.
Quod si (ut spero) non omnino tibi displicuerit, sedulam
dabo operam, ut maiorum vigiliarum opere aliquo mea erga
te, & tuos posteros, fides, atq; obseruantia simul cum laude
virtutis tue & prudentiæ accuratiùs exactiùsq; expressa,
cunctis in posterum gentibus inclarescat. Vale Princeps Illu-
strissime. Dat: Crac. 7. Calend. Octob. Anno Domini 1612.

Illustrissimæ celsitudinis Tuæ

Addictissimus cliens

M. Sebastianus Sleszkowski.

ORATIO PANEGYRICA.

Magnum & illustre munus est, Illustrissime Princeps, de genere humano mereri: id est, multorum aliô flexas mentes ad metam illam Publici Boni ducere, ac dirigere. Reuera enim in hoc vno nostra felicitas sita, vt Publica salus salua, & integra constet; ac etiam optimus quisq; nascitur, non vt sese molliter curet, sed vt per ipsum in communi societate benè beatèq; , id est, sanctè, innoxie, ex vsu publico, & priuatim, & publicè viuatur. Ego ita sentio, omnisq; sapiens mecum; & simul facio hac opellâ meâ in laudem tuam factâ, & testimonium immortalitatis, ob tua in Bonum Publicum merita atq; virtutes,

quas nec ventura fitebunt

Lustra, nec ignotâ rapiet sub nube vetustas.

Publicè quippe interest aliquod virtutibus præmiū, aut præconiū saltē esse: & ne ijs sit tantum ex consciētia merces. At enim quî sic mereor? mereor: quia iuuo, & quidem veteres mihi præeūt, qui in publicis etiam conuiujs Principū virorum merita, & virtutes solēni ritu, meloq; suauiter occinentes, accendebant iuuentutis animos ad probitatem, atq; egregia gesta: præit Militiades, qui suis trophæis non patiebatur somnum capere Themistoclem. Hoc ipsum hîc ego volo, & multorum animos succendo ad virtutem, præclara facta, & amorem patriæ, dum breuiter te talium viuū exemplar ipsis præcino. Et rectè, duci natura mauult, quàm cogi: ad Principem autem virum reliqui ciues se forment, &

Olim in publicis conuiujs Principum virtutes legantur,

Componitur

Componitur orbis

Eius ad exemplum.

Nec causa occulta: quoniam ad alta illa versæ plerūq;
mentes, & oculi: nec tam imperio nobis opus, quàm
exemplo. Sponte sequimur, si præit virtute, qui digni-
tate. Neq; hîc inanis conatus meus, splēdida, fateor,
per se tua virtus, facta illustria; verū tu, Princeps Il-
lustrissime, nō huic duntaxat, sed etiam illi vitæ serui,
quàm ipsa æternitas intuebitur: serui iudicibus, qui
multis post sæculis (vt hoc cum Cicerone dicam) de
te iudicabunt; & quidem haud scio an incorruptiūs
quàm nos: nam & sine amore, & sine cupiditate: &
rursus, sine odio, & sine inuidia iudicabunt, & imita-
buntur; serui inquam, posteritati, & benigne pa-
tere de te, tuisq; virtutibus aliquid proferre in lucem.
Mihi ecce

Libenter hoc, & omne militabitur

Bellum in tuæ spem gratiæ.

*Asser-
sione.
subsequē
suo.* Et quidem Ἀνέυ τῆς κολακίας: quia me procul ab ea fin-
xit natura: ἀνέυ τῆς φεικισμῆς: quia ab hoc vitio semper
ego alienus. Tu verò Princeps Illustrissime,

Dum tibi res, non te rebus subiungere conor,
animum meum, quod præcipuè volo, vide, cognosce,
promoue, auroq; lenitatis & benevolentię tuę ei spi-
ra, cum dirige, & accipe; accipe & tu ô mea Polonia,
meis verbis, quē iā olim accepisti factis Principem au-
reū ab æquo aureo, vt quē virtus, virtus in primis, genus,
merita in Rempub: splendidissima omnia decorârūt.

Magnus

Magna est vis sanguinis, & originis, Illustrissime Prin-
ceps: quia è sentibus non gignitur rosa, ab hac ordior
in re tua, & verè affirmo, non multas in vniuerso ter-
rarum orbe gentes reperiri, quæ cum ea vel antiquita-
te, vel rerum gestarum gloria queant comparari. Vide-
licet alta ab origine per Duces ab Ostrog (qui olim
è Ducibus Russiæ nobilissimis orti familijs locum,
& lucem inter Sarmatiæ proceres semper tenuerunt)
deriuatus in te sanguis natales tuos instruit. Russus fra-
ter Lechi Polonorum primi Ducis (Historia, quæ est
testis temporum, & lux veritatis, docet) vir clarus, &
fortis, primus tibi Dux, & parens, venit in eam regio-
nem, quæ nunc ab illo Russia dicta, eam suæ ditioni
subiecit: diu salubriter rexit: tandem suis posteris Cio,
Sateco, Coreuo, reliquit, qui per lōgos nepotes Ascolo-
ro, ac Dyro imperium felix, & propagatum tradide-
runt. Quid hīc Ruricum, Seneum, Truborē, loquar?
quid Olgum & Igorum, qui olim terrori toti Græciæ,
memorem? Quid dicam Suatossauum, qui Bulgariam
expugnauit: octoginta Castra cepit: tributum pēde-
re iussit: ex ipsa Græcia ampla spolia retulit?

Maior rerum mihi nascitur ordo,

Maius opus moueo,

nempe ad Volodimirum, virum rarū, & ab aureo æuo,
propero; ab aureo dico, quia ipso rerū potiente, au-
rea Russis ætas illuxit: id est, Russia illustrata diuini lu-
minis splendore. Hic namq; Annā sorore Basīlij & Año 990
Constantini Imperatorum orientis in coniugem acce-

ptâ, tactus diuini Spiritus afflatu, simul doctrinam, ac fidem veram in Christum, æternam æterni Patris sobolem, verum Deum, verum & hominem accepit, & magnâ celebritate cum duodecim filijs, more gentilitio ex pluribus olim genitis vxoribus publicè ab Antistite Corſcimē: aquâ salutarî perfusus, totam Russiam ad eandem religionem exemplo suo exciuit: monitis, ac præmijs allexit: minis, supplicijsq; traxit pertinaces. Mira ipsius pietas, & feruens in augenda religione Christi Dei, qui æternum

verbum, quo omnipotens condidit omnia

mirificè Principem dignum in sui amorem accēderat. Ecce suis manibus templâ, & idola falsorum Deorum demolitur: ecce simulacrum fulminis à se, & à sua gēte maximè cultum, equis illigatum iubet trahi, & in Borysthenem iniici. Vidit mehercle, & sensit religionem veram esse fulcrum, atq; vinculum Reip: adeò, vt hæc cum illa florente floreat, cadente cadat. Porro quoniam qualiscunq; ea hausta peruicaciter infidet, & sua cuique optima videtur: quia non ratione, sed affectu à singulis diiudicatur. Sensit vir Deo dicatus, populum ægrè ab inueterata superstitione auelli: & ideò ipse omnibus inspectantibus manu sua, arboribus, quas ante coluit, secures impingēs, & ab radicibus deturbās: Non est (clamabat) non est Deus, quod exscindi, & deiici potest: agnoscite miseri errorem, oculosq; mētis iam tandem conuertite ad Deum, verum conditorem omnium, in omnia potentem. O virum rari, & singu-

singularis exempli, vereq; natum ad diuina! Nullum
 in ea re laborem fugit, nullam extimescit difficultatē;
 etiam à Constantinoplien: Patriarcha (nullum cre-
 do id tempus discidium habuit Ecclesia Orientalis ab
 ea, quæ cæterarum omnium est mater, ac magistra, à
 nostra dico, quæ est Catholica Romana) viros doctis-
 simos, religionis veræ professores, qui primi nouellas
 illas, ac teneras, nuper in horto Christi consitas, plan-
 tas copiosis salubrium præceptorum imbribus rigârūt;
 aduocauit: Metropolitē Kiouix, Archiepiscopum
 Nouogrodi, in alijs vrbibus Episcopos, constituit.
 Hic ego vos illustres animæ Iaroslæ, Isaslæ, Basili, Ro-
 scislæ, Suatopelce, Georgi, Iaropelce, Volodore, Mscis-
 slæ, Romane, Leo à quo Leopoldis, Theodorote, Io-
 annes, Constantine, vel inuitus prætereo. In exigua
 tabella, id est, in angusto vnius orationis curriculo
 nequeo vestra facta pingere, seu exprimere: Danielis
 saltem caput ostēdo, totum reliquum abscondo cor-
 pus. Hic post Colomanum Regem, è numero viuorū
 expunctum, Vngaris, vi, & magnâ potentiâ eiectis, im-
 perio totius Russiæ potitus, ob merita sua in religionē,
 & singulares virtutes, insigne, sceptrumquæ regium ab
 Opissone, nuncio à sede Apostolica in Poloniâ misso,

Abbate
 Mesiane.

E Consili
 Lugdun
 si sub in
 nocētio

12 + 0.

tantūmne aliquis sibi posse videtur
 Fata quoq; vt superet?
 Certa stant omnia lege.

Et ab

*Seminē
ata pra
creant*

Et ab omni æternitate fataliter (pio dico sensu, quia ex Deo pergunt cuncta ordine suo) omnia destinata: nec cōsilio prudenti, nec remedio sagaci, diuinæ prouidentiae fatalis dispositio subuerti, aut eueri potest. Stat æterni Dei lex æterna: ego per innumeros alios atauos, & prauos tuos venio ad Ioannis filium, tuum, Priuceps Illustrissime, auum.

Hic vir hic est Diuūm genus

Constātinus noster, verè magnus inter magnos, quem magnitudo animi, & prudentia, cuius vtriusque egregium specimen dedit in publicis, ijsque arduis, negocijs; imò ipsa

Ardens euexit ad aethera virtus.

*si a
cone 10.*

Accipe de illo testimoniū, seu elogium Pisonis, viri magni, Nuncij sedis Apostolicæ, ad Sigismundum primum Regem nostrum: *Dux Constantinus Ostrogus in re bellica facile princeps; domi Numa religiosior, foris Romulo non inferior, in quo nihil est, (omnes uno ore dicunt,) quod probari nequeat: ter & tricies feliciter victor. Quid mirum? verissimum Græcorum verbum:*

Equibus

*us ab
is doct.*

ab Ale-

ind: Re-

indi-

o, ob nō

ectū in

ce Vilii

in Russ.

ΕΞ ΩΝ ΕΠΑΛΕΣ ΕΥΧΕΣ

& Miseria prudentiae bona mater. Quippe Principes optimi, & prudentissimi, qui aliquādo in aduersa sorte. Talis noster: quia adhuc iuuenis bello captus, per annos septem apud Ioannem Ducē Moscouiae in vinculis egit; egit, & sapere didicit. Nō aditum, non exitum facile reperio, si semel me penetro in profundum hoc rerum ab eo gestarum. Pugnas, victorias, triūphos,

monu.

monumenta, munera ipsius obstupeſcimus Viſne ^{templum}
paululum in his peregriner? Facio. oculos attole, & ^{poſt acce-}
vide, quàm eum iuuat acer cruentum, ^{ptâ à Re-}
^{ge in ma-}

Vultus in hoſtem.

Vide quàm acerrimus ille propugnator Patriæ, (ex-
trema enim hîc tantùm tango) vide inquam. Ecce te-
ſtis Ruſſia, quæ ſæpenumero magnis oppreſſa hoſtium
copijs, eorum ipſorum ſanguine redundauit. Scytharum
tres exercitus ingentes apud Sluſcum ad interne-
cionem cecidit. Etiamnum cupis? Viſnouecia dat
fidem, quam magnis cinctam periculis, & celeritate
conſilij, & terrore belli explicauit, dum viginti quatuor
millia Scytharum parua manu minore ſuorû clade
(quis credat vix centum ſuis amiſſis) penitus deleuit.
Nec hoc quidem ſatis eſt? Canouia docet, quam è fau-
cibus Scytharû eripuit, dum viginti ſex millia hoſtiû
proſtigauit. Sic ea gens famelica, vel è flammâ cibum
ſolita petere, diuinâ Ducis Oſtrogij virtute cõpreſſa.
O crudi Scythæ aſſueti viuere rapto, hiſce cladibus

Discite iuſtitiam moniti.

το θεον ἡ σκολιῇ καὶ ἀεὶ βαδίζῃ; vigilat tñ Diuin⁹ ille ocul⁹; & ^{Nam è di-}

Nunquam antecedentem ſceleſtum

Deſeruit pede pœna claudo.

Ecce ſiſtit effrenem illum veſtrum impetum, & vos
peccantes, paratosquæ peccare benigniter tollit. Tollit
vnâ vobiſcum ſuperbum, ac ferocem Moſcum per no-
ſtrum Ducem Conſtantinum. Quid agis, ô Baſili, Dux
Moſcouiæ.



Distri-

^{uinū liti}
^{et ordine}
^{progreſſi-}
^{sur}

*Distriktus enſis cui ſuper impiã
Ceruice pendet?*

Quid nobis, quid imperio noſtro inſultas? quid Polo-
nis necem, Lituaniſ compedes minariſ? quid gentem,
& militem noſtrum flagriſ iam ante victoriam in Mo-
ſcouiam abigiſ? O impudentiam, ô infaniam, dum
tamaudaçter.

Tales & tantos rumores ante ſalutem
poſueriſ! dum tam impudenter, & inconſpectè cum
Plautino milite totum agmẽ noſtrũ vno ſpiritu diffla-
ueriſ! An te cepit aliquando cœleſtiſ illa curia, & tu
illiuſ decreta? Perge Tyranne,

Dominare tumidus, ſpiritus altoſ gere,
& ſitiens ſanguiniſ, prædequẽ, minas, & cẽdem ſpira,
rape (prout polliceriſ) cẽde, vre, vaſta. aberrabiſ mox
à mente tua demente. aliud ecce ſupremẽ mentiſ in
ſupremo illo conſiſtorio ẽternum ab ẽterno decretũ,
occulto fine te inſcium inuitumquẽ trahit ad tuum fi-
nem. Agẽ dum flores pauliſper, & viuſ in hac ſcena,
primo iam ante tecum præcipe, elationem iſtam tuã,
vel (vt veriuſ dicam) ſuperbiam, manere lachrymas,
& deiectionem. Differiſ enim ad tempuſ, non dimi-
teriſ: nemo quippe crimen in pectore geſtat, qui non
idẽ Nemefim in tergo. Hodie magnuſ eſ? cras aliuſ,
aut nulluſ: Videlicet ſuperbiẽ aſſidua comes deiectioniſ,
& pẽna Dicam in hac Tragedia cum Tragico Poẽta:

Sequitur ſuperboſ ultor à tergo Deuſ,
qui nihil altuſ præter ſe vult; eiquẽ prop. ium

τὰ ἅ μὲν ὑπὸ τῶν πάντων, & ἃ τὰ πάντα ὑπὸν.

*Erecta
deicere,
deiecta
erigere*

Clarum in magno Persarum Rege Cyro, qui à Tho-
myri capite truncatus, & caput in virem humani san-
guinis plenum, iniectum: Clarum in Alexandro Ma-
cedonum Rege, qui dum etiam homo fastidit esse, ve-
neno extinctus, septem diebus insepultus iacuit: Cla-
rum in Iulio Cæsare, inter pompæ fercula trium ver-
borum præferente titulum, veni, vidi, vici, qui in Capi-
tolio à Senatu suo tribus & viginti vulneribus confos-
sus: Clarum in Baiasite, qui à Tamerlano captus, ca-
uea ferrea inclusus, per omnem Asiam rerum huma-
narum spectaculum ductus, desperatâ liberatione, iteratis
validis ictibus, caput caueæ incussit, & indignantem a-
nimam emisit: Clarum in Tomambeio Ægypti Afri-
cæq; Sultano, qui arbiter paulò ante vitæ necisq; genti-
um, in vrbe sua principe, mulo viciatim per ludibrium
circumductus, infami laqueo strangulatus. Quid hæc
memoro? clarum in te, ô Basili, cuius omnem vim vis illa
suprema, à qua est omnis vis, subuertit, & euertit. Fuge,
heu fuge, teq; neci, teq; eripe vinculis.

Ecce Cōstātinus Ostrogus, qui in hoc euētū mētē sua
subiecit Diuinę menti, & omnia sua æterno eius decre-
to, ad Orsam Borysthenem cum suo milite traiecit: o-
ctoginta millia validissimi tui exercitus disiecit, & dis-
sipauit: quadraginta millia cecidit: quatuor amplius
millia in seruitutem cum supremo tui exercitus Præfe-
cto Ioanne Andrea Celadino, cum omni fermē Senatu
tuo, in seruitutem abduxit: Castra, diuitiis referta, diri-

puic

puir, vaſtauit, incendit. Vbi nunc illa ſuperba mentua, ſuperbe Baſili? Non ſuſtines, video, vires Ducis noſtri, deſeris Smolenſcum, Moſcouiam vſquẽ fugis; & neq; hĩc ſatis tutus, aut tectus, diffidis rebus tuis, & trepidas cum tuis, & toto illo peramplo Ducatu. Siſte hĩc gradum, fortuna belli tibi pepercit. Pacem pete à Rege, pete à Duce; faciliter habes, non in te procelle deſeuiũt grauiores. Mitis illa Diua Clemẽtia, quẽ lenit, quẽ tẽperat, quẽ ſeruatuũt, eos ipſos qui ſe perdũt: & anni tempus horridum inuietum Ducis mei ſiſtit animum, Magnum virum, Principem vides virum, auum tuum, Princeps Illuſtriſſime, & maiorem videres: vberior enim, & copioſior offertur mihi materia de illo dicendi; ſed mihi lingua, ingeniumq; titubat, & animus ad alterum Conſtantinuũ, huius filium, tuum Parentem, feſtinat. Quid hĩc faciam? quò me vertam? Nimirum non ipſius admirabili, inuſitatẽquẽ virtuti par à me orationis genus poteſt adferri. Quid à me? omnium eloquentiſſimorum ſtudio dicendi, illius dignitate inferius eſt. Magnus hic vir fuit, magni Ruſſi

Magnã de ſtirpe n̄ potum,

magnum eius in religionem ſtudio, magna in bonũ Publicum merita, & quẽ nulla vnquã obſcurabit obliuio. Illuſtris ſiquidem, & peruagata eius fama multorum magnorũq; meritorum, & in ciues, & in Patriã firmiter radices fixit. Noſtrum vixit æuum, nouimus quantus ille Princeps, nouimus prudentiã, virtutes, facta; laudes exprimere nō poſſumus, & ſilemus. Neq;
etiam

etiam Sol eget alienæ lucis: non item noster nostri præconij. Breuiter dico: Toga & Sagum Virum principem habuit; & diuino consilio, in illo confinio ferocissimarum, & rapacissimarum gentium, nomen Christianum, & Polonicum acerrimè impugnantium, constitutus fuit, tanquam in communi quadam arce, & propugnaculo ad sustinendam, & propulsandam barbarorum immanitatem, atq; agendas pro nobis excubias. Ita est profectò,

*Hostis non illi quisquam se impunè tulisset
obuius armato;*

& ideò quod vixit (atq; vtinā diutiùs vixisset: sed enim ex hac vita ad beatiorē abiit) virtute illius tegebamur: laboribus quiescebamus: periculis defendebamur. Ex hac aurea, & nobili stirpe tu aureus & nobilis ramus maiorum luce exsplenduisti; sed magis tuâ, quippe qui talem fortunam facere potuisses, nisi accepisses: imò maiorem, maiori luce virtutis, & meritorum. Etenim te ad verum decus nitentem, ingenij cultus, illaq; studia exceperunt, à quibus facilè itur in omnes dignitates. Scilicet ab ipso ineuntis æui flore accessit tibi institutio diligens, rectaque, radix & fulcrum totius reliquæ vitæ, à quâ per templum Virtutis ad templum Honoris,

Quò te celestis sapientia duxerit, iisti.

Eccce domi Græcis, pariterq; Latinis literis, & pulchris moribus diligenter excultus iuuenis Deo Duce in Italiam, matrem scientiarum, elegantiarumq; missus, ita

ibi egisti, vt voce ac digito signareris probitatis, modestiæ, grauitatis exemplar. Musarum pariter, & gratiarum decus. Quoniam moribus in illa ætate grauibus, humanitatis tamen, ac facilitatis condimento temperatis, eos quibus cum vnà eras, & incredibili quadâ iucunditate tibi conciliabas, & exemplo tuo ab omni improbitate reuocabas; literis verò atq; ingenio senum etiam doctissimorum doctrinam æquabas, ingenia superabas. Reuera quos magnis & nobilibus populis rectores destinauit supremum illud Numen, in eis plerumquæ virtus non expectat annos: sapientiæq; semina eorum animi & comprehendunt facilius, & tempestiuus adulescunt. Breui hîc imbibisti priscos illos Doctores ad vitam formandam, rationem gubernandæ Reipub: danda capiendaque de rebus magnis consilia: hîc scientiâ de temporum ratione, terrarum situ, populorum institutis, ingeniis, moribus, gentium inter se naturali sensu, aut dissensu hausisti: hîc Historiam percepisti sacram & profanam, nouam & veterem, domesticam & externam. Et sanè vtiliter: dici enim non potest, quanto tibi nunc & ornamento & auxilio doctrina sit, cum te & generis tui nobilitas, & tua virtus iam ad Reipub: gubernaculum admouerit. Feliciter in Poloniam redijsti, & statim ostendisti, nunquam desidem atq; ignauam esse virtutem: nullas ipsi esse à præclaris actionibus ferias: fortes & constâtes animos non ad quietem inuitari, sed ad labores & munera in Repub: suscipienda suscitari. Annos natus non amplius

plius octodecim, Dubnū obsidio & periculo grandi à
 Scythis cinctum, cuius seruandi vix spes iam erat, au-
 spiciis paternis, belli celeritate explicasti. O felix prin-
 cipium rerum à principe iuuentutis. Magna iam tum
 omniū de te spes, & expectatio; neq; fefelisti. Promo-
 uit Deus benignus altiū tuā virtutē, quia tibi ab ipso
 principiū; ab ipso, inquā, & vero de ipso sensu, vero in
 eū cultu. Discidiū fuit, & est fidei Græcæ, quā tu à parē-
 tibus, & maioribus tuis acceperas traditam, à nostra
 Catholica Romana Ecclesia, quæ omnium diuorum
 est communis mater; & in cuius gremio (vt hac aurea
 gnome ab ore aureo prolata vtar) mori felicius est
 quàm ab initio nasci: cum non nasci satius sit, quàm in
 hac non mori. *Hic enim (verba Lactantij usurpo) est*
fons veritatis, hoc domicilium fidei, hoc templum Dei, quod
si quis non intrauerit, vel à quo si quis exiuerit, à se vite,
& salutis aeternæ alienus est. Tu intrauisti, exire noluisti;
 sed semel eam complexus fortiter, & constanter serua-
 sti, & quidem multa dura & difficilia perpeffus à pa-
 rente tuo, ad religionem Græci ritus reuocante. Pro-
 fectò triplici hic Ægide muniueras pectus: vero iudi-
 cio, ac sensu de rebus humanis Diuinisque: Recto &
 immoto animi robore, non elati externis, aut fortuitis
 depressi: Voluntaria perpeffione rerum, quæcunque
 homini aliunde accidunt, aut incidunt; & ideò stetisti,
 vt in medio mari edita & altissimis defixa radicibus ru-
 pes, stetisti, inquā, firmiter, & gradum firmasti cōtra
 hunc insurgentem assultum. Vidistin? in scutis quo-

Eteslam
to Ioan.
Zamosci
supm Pri
fecti excel
cituū, &
Cancellia
regni Pol

tundam hodie Regum sublime illud : NEC SPE,
NEC METV. in te conuenit, qui altus contra om-
nem casum, & erectus, magnum illud tibi vindicasti:
NON MOVERI. Et Reuera fuit. inconcussus in-
ter nimbos, & fulmina, & tempestates, atque

mediis tranquillus in undis

in hocce tali casu visus es. Quid mirum? vt heliotro-
pium ingenio suo semper ad solem: sic ratio tua ad
Deum, originem suam, obuersa, firma in bono fuit,
& immota, vnum idemquē sentiens, vnum idemquē
appetēs. Maeste animi perge in hoc tali passu fidenter, &

ne cede malis, sed contra audentior ito

Quàm tua te fortuna finit.

Non enim deserit vnquam Numen benignum sibi fi-
dentes: & tibi in vero de se sensu, in vero in se cultu
contra omnes insultus præstò fuit, &

per obstantes catervas

Explicuit tua victor arma,

dum hæc vincla sollicitudinum, quibus in hoc Caucaaso
ligabaris, dēpsit, réq; nouum Prometheum, nouus
hic & verus Hercules soluit, & hanc pietatem largiter
munerauit, quâ per ipsa pericula suum nomen, & Nu-
men pio sensu, pio cultu, idquē prisco more, iuisti as-
sertum, defensum, propagatum. An non te vna? Pro-
fectò hanc pietatem in pectus demissam virtutū agmē
consecutum est, atq; etiam fælicitas externa. Et hoc ab
omni æuo obseruatum; Deum qui se colūt attollere;
& piis, religiosisque Principibus prospera plurimùm
euenire

euenire. Vide vel in vna familia Austriaca. Rudolphus primus, huius gentis origo, merito pietatis fluctuans per dissidia imperium stabilivit, & gentem fatalem sceptris regnisq; propagauit. Vide in Teipso Dux Illustrissime, in quem Deus ob hanc ipsam rem effusus in suis dotibus internis, atq; externa felicitate, quibus sine titulo magnus es, & à teipso clarus. Sed hoc remota inuidia posterius magis dicent vix credituri, decrefcentibus demum naturæ annis, tantum virtutis decus affulxisse; & quem vixisse moribus antiquis intelligent, antiquis quoq; temporibus natum putabunt. At uerò perennis naturæ fœcunditas ac æterna est. Omni æuo gignit, viros bonos, viros Principes. Nostro tu natus genio & ingenio, prudentia & virtute, in qua tibi Diua pietas præluxit, nomen prius, idq; æternum, inuenisti, quàm prælagisti. Et facile fuit, namque tibi memoria in id supra quod ascendi non potest, euecta: mens in tantū bona, quanta ex ipso virtutis vtero nasci potest: iudicium, quod ne qui intellexit quidem, sat & super miratur: ingenium, quantum vel mortalitas recipit, vel industria percipit: prudentia succedente ætate incredibilis vereq; Diuina, & quæ utrū ciuilibus magis operibus an bello suffecerit, in ambiguo est. Iā grauitas in vultu ubiq; , & auctoritas in verbis & factis tuis singularis, at simul etiā comitas & humanitas: illæ venerabiles, istæ amabiles, adeò, vt nemo sit, quē Sarmatia nostra magis reuerita sit, minus verita, & in quem duplici isto feratur affectu venerationis pariter, & amoris. Quid hinc

virtutes tuas numerem? Rectus, & sine fūco, virtutis a-
mās tibi animus, & animi erecta magnitudo par vtriq;
Fortunę. In altam Fortunam multi nimbi, procellę,
fulmina incidunt, aut incurrunt. nil miserius Principe
qui ad singula moueatur, aut se inflectat; nil te felici-
us: quia sicut adamas, nobilissima inter gemmas, in-
fractam vim habes ad omnia incerta rerum humanarū.

Namq;

Rebus angustis animosus, atq;

Fortis appares: sapienter idem

Contrahis vento nimum secundo

Turgida vela.

Tractas humana, eaq; nosti: sed iis te etiam eximis, &
tecum dicis: O quam contempta res est homo, nisi su-
per humana se crexerit. Erectus tibi, dixi, animus; sed
etiam ius, & æquum in se, inque aliis firmiter seruans,
& clemens atq; benignus. Namque à barbaro istud est
barbarum: **IN MAGNA FORTVNA ID Æ-**
QVIVS, QVOD VALIDIVS: & ideò sola
credis licere tibi laudanda, omnibusque tribuis, quod
suum est, meritis præmium, noxiis pœnam; sed etiam
simul lenis, & temperas, etiam noxios eripis, lapsos
erigis. Et sanè hac mitis Diua decet magnos animos:
& quod notes, non nisi in eos cadit. Siquidem hæc

Est summa virtus, petitur hac calum viâ.

Amplius: continens & temperans: non enim quicquā
indecorè effæminateuè dicis, aut facis, sed omnia de-
center, viriliter, in ordine & modo. Taceo alias reli-
quas virtutes, quę in te Sole clariores. Quid illa admi-
rabilis

rabilis moderatio in alta Fortuna? Meheret inter tot
 obsequia Fortunæ difficilè est non alta sapere, & non
 abripi licentiæ ventis: quia intertalia non satis cauta
 mortalitas. Non difficilè tibi: quia nosti hominem te
 esse: magnas arbores diu crescere, vnâ horâ extirpari:
 cuncta mortaliū incerta; & ideò quantò plus adeptus
 es, tantò te magis in lubrico censes, ideò sensum de te,
 tuisque temperas, imò & actionem. Hinc sermo tibi
 grauis, & paucus; sed idem prudens. odisti quorum
 omnis virtus in lingua sita. Cultus decēs, & sobrius.
 turpe quippe ducis viro, cū animum habeat, capta-
 re laudes ex corpore. Et certè quid opus? *Ἐμοι γέ* *Mibi vi-*
δοκεῖ καὶ ἐκ θεῶν τιμὴ τῆς καὶ χάρις συμπάρεσθαι *detur à*
Ἄνδρι ἀρχόντι. *Deo Vo-*
 Cum Xenophonte dico. Age verò in diuitiis maius *nus que-*
 quiddam est, quàm imperiti suspicentur, rectum cur- *piti comi-*
 sum in vndoso isto mari tenere, tenes, *tari virū*
Principē

reliquidus Fortunæ riuus inaurat. Sed
Dij tibi diuitias dederunt, artemq; fruendi:

quia prudenter mentem ab his, ad altiora natam, auo-
 cas, & contemnis; sed contemnis cum modo, qui
 nisi adest, insipiens omnis sapientia est. Et quidem
 homini ego nil humanarum rerum magnum esse
 fateor, si animum, & cœlestem illam particulam spe-
 ctes: si corpus, & si vitam, cur prorsus negligas ea, quæ
 ad opes faciunt, aut honores? Abiectè sapit quisquis
 ea sic abijcit. Tu te erigis: quia tibi omnia ad Bonum
 Publicum, omnia ad pietatem, & salutem directa: ad
 quam nisi pertingimus, malè, & infelicitè decurrimus
 hoc

hoc quicquid est vitę. Hinc te Deum quendam terre-
strem ad benefaciendū humano generi è cælo mis-
sū ducimus: quia fontem benignitatis tuę in omnes re-
serasti; & verè fontem: ita largiter, & perenniter in o-
mnes fluit. Nec ista in gratiam, aut gloriam. Deo soli,
& vñibus humanis imputas: & fructum beneficii vnum
censes, F E C I S S E. O rarum mirūmq; virum: O di-
gnum hac, & maiore Fortunā, qui tam bene eam ce-
pit: Sic, Princeps Illustrissime, in omni externa specie
facis, & ego videre te videor

*Tranquillum, vultus submittentemq; modesti
Fortuna vexilla tua.*

Cart. lib. 29. Modestiam enim ab Scythia præcepto non Scythico
complexus, Fortunam tuam pressis manibus tenes, &
felicitati frenos imponis; atq; ita, licet lubricam, faci-
lius regis. Denique mores tui quales? Poëtę verbis de-
scribo:

*Fœcunda quies, virtusq; serena,
Fronte grauis, seuusq; decor, luxug; carentes
Delitię.*

Voce magna clamo: omnia habes sine iactantiā, pro-
catiā, vanitate. Et non miror. Fulcimentum omni-
bus hisce doctrina, quam cum ipso hausisti lacte: per
hanc enim animus noster discit omnes motus magis
habere in potestate. Hinc Plutarchus Marcio Corio-
lano, & Caio Mario, summis alioqui viris, hanc vnam
defuisse ostendit: qui si Musis, Gratijsq; litassent,
non impetu ablati tam fœdum, & turpem rebus suis
exitum

exitum dedissent. Litaſti,ô Princeps,vtriſq; , atq; produ-
cis in vſum publicum. Quid enim ille innatus amor in
viros doctos? quid in Academia noſtrâ, antiquam ſedē
Muſarum, atq; virtutum? Odiſti nouellos Doctores,
qui noua concinnabula aperiunt, & non candidam
ſimplicitatem, ſed fucum, atq; adeò in ſuum, nō Publi-
ci Boni vſum. O ſælix olim Polonia, cum tibi recto-
res, & Senatus ex hoc vetuſto Gymnaſio! O ſælix Aca-
demia, mater mea, cum Reges, & omnes Regni ordi-
nes certatim in amorem tui inclinati. Si qua Academia
arum in orbe terrarum (audacter ſic loquar) floruit;
eam Cracouiē. ex animi mei ſententia poſſum pro-
ficere. Sed hîc mihi ſuſpirium: heu decor ille, & flos
omnis, quomodo exaruit? Agnoſco vt in mari fluxum
hunc Fortune, & refluxum: & Prouidentię occultam
legem, quę attollit, deiicit, iterumquę attollit: & tibi
(præſagus Vates vera ominor) ô Academia mea fiet.
Interea animum erige, & præi nobis exemplo ad ro-
bur, & conſtantiam, quia, vt formoſa corpora etiam in
morbo veſtigia decoris ſui retinent: ſic tu priſtini ſplē-
doris. Conſide autem: deliquium aliquot veluti So-
lis eſt, non interitus; exurges. Ita me credere firma
tua in Deum pietas, in Bonum Publicum amor, in
Regē tuū, & Ordines Regni obſequiū, atq; candor
cogit: ille, & iſti aderunt, & Genius inprimis tuus
potens, & perpetua tutela. Vis fidem? Ianuſſius Oſtro-
gius Princeps inter alios tibi offert, qui dictis, & factis,
pro aris, honore, ſalutēq; tua cum liuore calumnian-

tium depugnat; & nō in alio, in tuo gremio alumnos suos semper fouet, & alit in vsum vtriusq; Reipub: sacre, & prophane. Et non immeritò: omnis ætas docuit, literarum studiis, & florentibus ingeniorum virtutibus, imperia crescere, & florescere. Gaude ô Academia mea tanto protectore: gaude ô Polonia tanto Senatore. Vidit enim Sigismundus Rex sapientissimus bona tua, ô Princeps, cū te coram vidit: Vidit istam dignitatem corporis, eloquium oris, animi prudentiā; & statim in sanctius consilium adsciuit, auxit, dico, S E N A T O R I A, eaq; primariā dignitate, quā sustines cum fauore, laude, plausu,

Omibus incutiens blandum per pectora amorem.

Diuinitas quædam videtur, & est profectò hæc dignitas in te: *Nam consulta Patrum, nam leges iuraq; seruans* salutariter, & ex vso publico illam administras. Enim uerò Princeps es Gente, Princeps dignitate, Princeps mente, linguâ, consilio. Namq; , ad mentem Demosthenis, dum naus Reipub: est salua, promptè consulis, & prouidè: quia postquam fluctus exuperat, inane est studium. Consulis etiam seriò, & non properanter: quia omnia non properanti clara certa q; sunt: festinatio verò est cæca. Vidimus, videmus, videbimus bona consilia morâ valescere; maximè apud te, cuius consilij gubernaculum lex Diuina, sine cuius ope nihil ritè, nihil prouidenter auspicamur. Et ideò vel maximè fortis apud te, non obnoxia, sententia, quod magnum in Senatore, atque vtile munus, vt ex mente Soloni

Εὐσεβὴς μὴ τὸ ἴδιον, ἀλλὰ τὰ κείμενα.

Nam reuera rara hæc nimis in aulis Principum virtus, Consulda
nō suau
fima, se
viliſſim
vt sit, qui omnia possidentibus verum dicat; dicis tu,
Senator dignissime, sed moderatè: quia

Est modus in rebus, sunt certi deniq; fines,

Vltra quos, citraq; nequit consistere verum;

sed tempestiuè: quia frequenter saluberrima medicina
abit in perniciem, data non opportunè; sed cōstanter:
quia fœda est vacillatio sententiarum mutantium, & cer-
tum signum non certę mentis. Certa mentis tibi, nun-
quam te in aliquibus mutas, sed potius aptas: quia
vir verè prudens & sapiens, non semper it vno gradu,
sed vnâ viâ: tu, vt verbo dicam, non cursum eundem
tenes, sed portum, qui est salus publici Boni. Sed in
hoc gradu vel hoc vno potissimùm excellis: quia pro-
cul à te rei tuę studium. quippe rectè censes, priuatas
res semper offecisse, offecturasq; publicis consiliis: &
præcipuum veri iudiciij venenum, atq; Reipub: intèri-
tum suam cuiq; vtilitatem. Docuerunt Athenę, olim
sub triginta Tyrannis afflictę: docuit Polonia bis sub
duodecim Palatinis.

Tunc nos calcabant Morau, tunc Pannones: omnis

Deniq; Lechitis quisquis iniquus erat,

Dum sua quisque petit, querit sua.

Ita, mehercle, ita, priuatum bonum, fidem & probi-
tatem euerit: duo boni consilij instrumenta. A Te, ô
Princeps, iterum dico, procul huiusce modi mēs, pro-
cul sententia: qui omnia ad publicam salutem dirigis.

Ah vtinā in hac, & alijs virtutibus tibi similes, qui gradu similes: quorum aliqui (plerique, nolo dicere) in ista altitudine, nihil nisi alti sunt: & vt Cupressi, cætera steriles, præter speciem nihil habent. Vtinam, dico, plures tuę classis ita sint animati: non verear dicere, illorum ornamento, Reipub: præsidio id fore; & consultius atque felicius quædam administratum iri. Sed enim (prô dolor) cum nos longè oporteat prospicere futuros casus Reipub: iam deflexit de spacio, curriculoque consuetudo maiorum. Nimirum multi callido ingenio, semper inouent aliquid; & nec quieta, quieta sinunt: multi officium suum sanctum, atq; solenne rei suę studio comminuere ac violare solent: multi, priuati odij pertinaciâ, spirant in publicum exitium; etiam in **CONSILIO SANCTIORI** nō aliter quàm remiges, & naute digladiantur in vna aliqua nauis, & Bonum Publicum priuatis simultatibus impediunt, immemores exempli Aristidis, qui Themistocli valde aduersus, in vnā legationem cum eo missus, ad portam vrbis veniens: Visnè, ô Themistocle, (inqt) inimicitias paulisper hîc deponamus, recepturi eas, cū redierimus? Sciebat, scilicet, rem communem, sine communione animorum nunquam rectè administrari. Demum multi certamen plerumque adulationis certant, & dant se non magno alicui solùm; sed his qui magni apud magnum. Quod vitium ita inhærens & affixum aulæ, vt desperem posse euelli. Placentini, aut Laudenses ferè totum hoc genus: quia aut eo sententias

tentias dirigunt, quò Principem ire censent; aut in gratiam eorum flectunt, qui ipsi in flagranti gratia sint regentis. Nec mirum: nam & fructum presentem capiunt, & res, in facili, ac sine labore. Et ideò pauci Veronenses. Tu inter eos primus, & Princeps, qui dignitatem tuam multos annos ita sustines, vt fidem probaueris, & communiter omnibus integritatem, animūque ab omni labe, aut corruptelâ immunem. Talis & tanta prudentia tua in quiete, quid in motu? Etiam hîc Patrię & Boni Publici integritas, & salus tibi scopus. Motum vidimus nostra ætate, cum arma subditorum in suum Regem mota pro religione & imperio: vidimus

parentes.

*Frontibus aduersis fraternaq; cominus arma,
Cognatasq; acies:*

Vidimus milites in omne fas nefasque auidos, aut venales, non sacro, non profano abstinentes, quòd meritò mare ipsum dixerim calamitatum: vidimus homines quosdam maioris animi, quàm consilij, vno veluti filo appendisse Publicam salutem: vidimus omnia sic turbata, aut desperata, vt pars consilij censeatur, nō se miscuisse consilij. Tu Te, miscuisti, mente, linguâ, factis. Etenim velut Sol dispellens tenebras iuisti obuiam malo; & in quiete, aut subductione aliorum manum ad clauum porrexisti: nam & manu strenuus, & consiliò prouidus ad salutem Patrię, & dignitatem Regis, lectissimum & copiosissimum exercitum aluisti. Aiunt gloriari solitum Q. Hortensium quod

nunquam ciuili bello interfuisset, tibi mens alia, & lex
Solonis suasit: IN CASV (inquit) *Ciuilis discordia,*
qui non alterutri parti sese adiunxerit, sed à communi malo
secesserit, domo, patria, fortunis careto: exul, extorrisq; esto.
Quis enim color, aut ratio, cum tranquillis rebus ad
Clauum sederis, vt deferas, abijciasq; cum turbatis?
Romanus ille Cato, virtutum viua imago, non comi-
tem solùm ciuilibus armis se præbuit, sed Ducem. Cla-
ri quippe & illustis viri est, omni tempore, cum omni
honore in Repub: versari, atq; in ea excellentiùs sese
gerere. Tutalis, ô Princeps, & fecisti: quia in commu-
ni illo motu iunxisti te gregi tuo: id est, bonis, & Regi
tuo; sed cum hac lege, vt consilia tua, Pacis & Togæ
socio, non belli, atq; armorum essent. Nam etiam in
ipso æstu belli, huc illa contulisti: id est, victoriæ, atq;
iræ moderatus es: O virum! ô ciuem! certius sapientis
exemplar, quàm Hercules, aut Vlisses: Istud profectò
est istud, verè sapientem esse: exercere, & ostendere in
Sole, atq; opere, quæ aliis in vmbra atq; ocio differun-
tur. Ecce hic

furgit post nubila Phæbus.

ecce felicem res sortita finem. Totius belli stamen, ac
subtegmen tuâ prudentiâ abruptum est: belli, inquâ,
ciuilis incendium salute Patriæ restinctum. Neque hoc
satis, etiam alibi tuam prudentiâ, tuas vires nouimus.
namque à crudo & immani Scythico hoste, ceu ab im-
bre effuso, sæpenumero Patriæ nostræ

Omnis lacerum compago fatiscit,
dum audimus ab illis latronibus, loca sacra profana.

oppida capi, & incendi: agros vastari: multam hominum multitudinem in foedam seruitutem abduci.

Tu veniens nimboſq; fugas, ſolemq; reducis.

quia poſitus in vltimo illo confinio, exultantem barbarorum audaciam comprimis: flammam, ferrū, incendia, rapinas, libidinem, à noſtra vita, tectis, fortunis, corporibus arces: à templis ſacrilegia depellis, ab oppidis direptionem, ab agris vaſtatem. Proſectò tibi alij vitā debemus: alij libertatem: omnes ſecuritatem. nunquam enim barbaro ex acie, aut campo ceſſiſti: quia te duce tuus miles didicit vincere, barbarus vinct. O quàm frequenter campi illi, hoſtium aut ſauciorum, aut morientium inconditis perſonant vultibus. Sic Princeps Illuſtriſſime,

Ἡ ἐλάχης σπάρῳ, ταῦτ' ἐν κοσμοῖς.

dignitatem dico & Patriam tuam, in cuius bonum & ſalutem mirificè te accendit.

Quā na
tūes ſp
cā hāc or
vā.

fax mentis honeſta

Gloria.

per quam mortalis tua vita immortalis eſt. Vt enim olim Magi aduerſus Plutonem & tenebras, lucido, & illuſtri amictu ſe muniebant: ſic tu, veræ vitæ cupidus, aduerſus mortalitatis horrorem, immortalī luce laudis, atquē famæ; ſine qua omnis vita mors eſt, obliuio omne nomen:

Finio, Princeps Illuſtriſſime, vnaquē conſtanter aſſero, me, dum te ſic Sarmatiæ, imò toti mundo, atquē æternitati depingo, aut deſingo, de Bono Publico mereri.

rer. Leget hæc nostrum ævum, leget posterius, & imitabitur, te prisci, & illustris non magis sanguinis sobolem, quàm virtutis heredem. Quidni? Conabitur ad eam gloriam atq; nomen id, quod iam tibi id est, æternum atq; magnū: quia tu ipse magnus, & omnia in te magna; maioraquē futura, si maior aliquis tuę virtuti campus. Voueo, & acclamo; sed etiam maiorem aperio. Tu erigere,

O decus eximium, & magnis virtutibus auge
omnium de te conceptam spem, atq; expectationem. Ecce prisca Religio ab ipso Deo, per Deum, prolem Dei æternā, & Diuos nobis tradita, impetitur, & turbatur à sensibus, qui ab Orco nati. Fortiter resiste, & propugna, quæq; disiuncta, in vno affere. Vt enim Principis est in ôni virtute populo præire; ita in pietate maximè, quæ princeps, & caput virtutū. Ecce Patria nostra (prò dolor) in varia distracta, grauib' vrgetur pcellis, vrgetur internis, & externis fluctibus, & vt video, sanguinis Polonici fluctib' miserandū in modū premitur, vt video,

*Nudum remigio latus,
Et malus celeri saucius Africo,
Antennæ q̃, gemit, ac sine funibus
Vix durare carinæ
Possint imperiosius*

Æquor.

Agè cum Deo benigno, vir prudentissime, accede, & iuua gubernaculum Tuâ prudentiâ, Tuo consilio; sed etiam forti dexterâ. Superbit Tyrannus, & hostis Asiaticus

aticus ob nostrum sanguinem recens effusum. Accingere gladio tuo super femur tuum, vlciscere, & aliquantulum decus nominis Polonici imminutum instaure. Porro cum isthec duce supremâ illâ mente, quę omnia ex mente, & salute nostra facit, effeceris, Musę tibi restant, Musę: & vnicum illarum domicilium, vnica, inquam, in totâ Sarmatiâ Academia nostra, quę candidè, & constanter cōtra omnes verę pietati aduersantes opinioniones, validum semper fuit propugnaculū: atq; etiam procreatrix fortium virorum, Bonum Publicum amantium, & illud in melius promouētium. Eam tu, Princeps Illustrissime, quę tibi per me suos commendat Lāres, calidè, oro, foue, promoue, attolle, contra insurgentes liuidorum impetus defende, & vnā me alumnum, aut filium eius in tuam tutelam, atq; fidem suscipe. Magnum æternumquę, vt dixi, iam tibi nomē, maius æterniusquę (si licet sic dicere) te manet à Musis: quia vt rectè Pindarus: *Ῥῆμα δ' ἔργμάτων χρονιώτερον βίβλυι, ὅτι κε σιωπῶν χάριτων τύχα γλῶσσα φρενὸς ἐξέλο καθεῖσας.*


Imò à solis Musis vna, & sola æternitas: nihil enim est, cui non senectus sua; Virtus, & Musa, solę immunes ab ista lege.


DIXI.



Sermo
elis di
us vi
quem
Grati
volēti
lingua
mente
tuleri
funda







7226
2

